




Årsmelding 2021

Høyanger Kyrkjelege Fellesråd



**GUDS ORD DET ER VÅR FEDREARV,
TIL BORN I SKAL DET GANGA.
DEN ÆTT SOM KJEM, LIK DEN SOM KVARV,
VED ORDET TRUTT SKAL HANGA.
GUD GJEV OG OSS DEN ROS,
DITT ORD DET ER VÅRT LJOS!
SÅ LENGE VERDI STEND,
DET LYSE I VÅR GREND,
SOM ÆRVEGULL I ÆTTI!**

GENERELT OM DRIFTSÅRET 2021

Den kommunale driftsløyvinga for 2021 vart etter søknad auka med kr. 100 000, til kr. 4 275 000. Dette utgjer 73 % av fellesrådet sine totale inntekter, som var på kr. 5 849 378.

Kalkulatorisk verdi av kommunal tenesteyting kjem i tillegg med kr. 280 000. Fellesrådet sine øvrige inntekter kom frå festeavgifter kr. 492 000, momsrefusjon drift kr 350 294, gravstell-inntekter kr. 80 896, renteinntekter på kr. 2 048. Gåver til Helgestunder utgjorde kr. 55 439. Vi takkar for alle små og store bidrag til drifta av kyrkjelydsbladet!

Lønsutgiftene i 2021 utgjorde kr. 2 846 141, mot budsjettet 3 001 995. Eit mindreforbruk på kr. 155 854, som i all hovudsak kjem av mindre pensjonsutgifter enn budsjettet. Straumutgiftene i 2021 utgjorde kr. 242 585, mot budsjettet 162 000. I Økonomiplanen for 2021 var det ikkje avsett midlar til kyrkjevedlikehald.

Sokneråda i Høyanger valde i 2021 representantar til redaksjonsnemnd for Helgestunder, som overtok redaktøransvaret for kyrkjelydsbladet. I redaksjonen er no Sturla Bell Fossen, Toril Lange, Vidar Myren, Sissel Sørebo, Karl Hjelmeland og Andreas Ester.

Driftsåret 2021 vart prega av Coronaepidemien. Frå 4. til 18. januar var det full nedstenging, deretter vart det opna for maksantall 50 personar med 2 meter avstand, påmelding og fram-møtere registrering. I påska 2021 var det ny nedstenging,

Konfirmasjonane våren 2021 vart utsette til hausten. Frå 26. mai fekk vi maks 200 deltakarar med tilviste plassar og min. 1 meter avstand. Dette var også gjeldande under konfirmasjonane i september. Seinare auka smitten i samfunne att, og frå midten av desember vart det innstrammingar med makstall 50, 1 meter avstand og påmeldingar.

Det er Andreas Ester som er sokneprest i Høyanger og Kyrkjebø sokn, medan Geir Sørebo var vikarprest i Lavik og Bjordal/Ortnevik fram til sommaren 2021. Karl Hjelmeland vart tilsett som sokneprest i Lavik og Bjordal/Ortnevik sokn frå august 2021. Han er også sokneprest i Hyllestad. Som vikarprestar om sommaren var det to prestestudentar.

I 2021 vart det gjeve høyringsuttale til den store utgreiinga om framtidig kyrkjeleg organisering. I den nye kyrkjelova er det slege fast at det kommunale finansieringsansvaret for lokalkyrkja skal vidareførast. HKF sin avtale om bedriftshelseteneste vart i 2021 overført frå Høyanger Bedriftshelseteneste til Bedriftshelse 1.

I fellesrådsmøte den 09.12.2021 vart soknerådsleiar i Kyrkjebø, Sturla Bell Fossen vald som ny leiar i fellesrådet, og Tonje Førde Systad vart vald som ny nestleiar.

Kyrkjemusikk

Året 2021 var prega av restriksjonar pga. Covid 19. Mange gudstenester og kyrkjemusikk-arrangement vart avlyste, men kantor heldt korøvingane i gang etter gjeldande smittevern-reglar så lenge som mogeleg for ikkje å misse kormedlemene. Frå 25. september vart alle nasjonale restriksjonar avvikla, og ein kom i gang med korarbeid og barne og ungdomsarbeid att for fullt. Seinare auka smitten i samfunnet på nytt, og frå midten av desember vart det på ny innstrammingar, som mellom anna førte til at konsertane med FML, kantorikor og barnekor i Høyanger og Lavik kyrkje i desember 2021 vart avlyste.

Kantorikoret i Lavik vart starta i mars 2018. I november 2020 vart medlemmer frå Høyanger Vokalis inviterte til å vere med i Lavik kantori, og koret har no 18 medlemmer som kjem frå Høyanger, Kyrkjebø, Lavik, Hyllestad og frå Høyanger sørside.

Kantor deltok på Bjordal og Ortnevik sokneråd sin julekonsert i Ortnevik kyrkje i desember 2021, den einaste konserten som ikkje vart avlyst. Jazzprosjektet som kantor starta å øve med Lavik kantori i 2020, vart utsett også i 2021. Dette er eit samarbeid med Jazzgruppa «Something Else» og vert no i staden framført 30. april 2022.

Korskulen for barn vart starta i november 2020 i Lavik og Høyanger, og i september 2021 vart det starta korskule i Kyrkjebø. I august 2021 vart korskulen sitt tilbod i Lavik vart lagt ned pga. lite frammøte.

Korskulen, som er ein del av Lavik Kantori, har øvingar på Kyrkjebø og i Høyanger, med tilsaman 8 barn. Dei skal synge saman med Lavik Kantori, og som barnekor. Korskulen er basert på at alle barn kan synge om dei får oppmuntring og undervisning i eit kjekt miljø med respekt for den enkelte. Tilbodet er gratis, og er for både gutar og jenter. Det er ikkje krav til medlemskap i DNK, alle barn er velkomne. Det er berre ein føresetnad, og det er aktiv deltaking i øvingar og arrangement. Målet er at kor og kyrkjemusikk skal spele ei viktig rolle i kulturlivet i Høyanger kommune, og gjere kyrkja synleg i lokalmiljøet, samt skape gode relasjonar med lokale musikarar, og musikarar frå hele fylket.

Aktivitetar og konsertar Lavik Kantori

Lavikgruppe øver tirsdagar 19.00-21.30.

Høyangergruppe øver mandagar 19.30-21.45

Konsertar/ gudstenester:

Julekonsert i Høyanger 11.12.2021 avlyst

Julekonsert i Lavik 19.12.2021 avlyst

Korskule:

Kyrkjebø tirsdagar 17.00- 18.00

Høyanger onsdagar 16.30- 17.30

Korskulen - konsertar/gudstenester:

Avslutn. kons. sommar i Lavik 7/6-21.

Avslutn. kons. sommar Høyanger 9/6-21

Julekonsert i Høyanger 11.12. 21 avlyst

Julekonsert i Lavik 19.12. 2021 avlyst

Orgelkonsertar/Deltaking i arr.

17. mai markering «God helg» mai 2021.

Videoprod. Jesu 7 siste ord på krossen, Langfredag 2021.

Orgelmeditasjon Høyanger og Kyrkjebø Langfredag 2021.

Orgel Vespers Opa kyrkje på Kyrkjebø 30. juni, 14. juli, og 25. august 2021

Veldedighetskonsert med «Gråberget» i Høyanger november 2021

Gravplassane

På gravplassane i Høyanger kommune, unnateke Ortnevik der Joar Oppedal slår, er det Anleggsgartner Baarøy som har utført slåtten i sommarhalvåret. Den 3 årige avtalen gjekk ut 2021, og skal no lysast ut for ein ny 3 års periode. Dette firmaet har også utført gravstellet på dei gravene vi har stellavtale for. I Ortnevik har Ann Iren Østerbø stell for ei grav. I 2021 vart det inngått avtale om oppmåling og digitalisering av gravkart på alle gravplassane i Høyanger kommune. Dette vert utført i 2022. På gravfondskonto 3705.25.60277, som vert revidert saman med driftsrekneskapan forøvrig, står det pr. 31.12.2021 kr. 185 574,-

Kyrkjene

Investeringsløyvinga for 2021 som var oppsett i Økonomiplanen vart strøken på grunn av investeringsstopp, og våre planlagde prosjekt måtte difor skubbast ut i tid

Kyrkjekontora

Sekretærressursen ved Høyanger kyrkjekontor vart i 2021 auka frå 60% til 80% i pga. auka arbeidsmengde. Høyanger kyrkjekontor hadde sine lokaler i Dalevegen 4 fram til og med 31.12.2021. Frå 01.01.2022 er kontoret flytta til nyoppussa lokale i øverste etasje i Høyanger samfunnshus i Marcus Thranes gate 3. Kyrkjekontoret i Lavik held til i gode og eigna lokale. Framtida til Lavik kyrkjekontor kan drøftast når Lavik prestegard er oppussa til prestebustad.

1. Den norske kyrkja sine medlemmer i Høyanger kommune

	<u>2021</u>	<u>2020</u>	<u>2019</u>	<u>2018</u>	<u>2017</u>
Medlemmer totalt	3219	3278	3309	3403	3439
Døypte	17	19	20	28/20*	20/8*
Innmelde ekskl. Dåp	0	1	1	0	1
Utmelde	12	6	13	0	1

*Busette i kommunen

2. Leiing

<u>Råd og utvalg</u>	<u>Leiar</u>	<u>Tal medl.</u>	<u>Tal møter</u>	<u>Tal saker</u>
Fellesråd	May-Wenche Fossmark	10	8	23
Høyanger Sokneråd	May-Wenche Fossmark	5	10	40
Kyrkjebø Sokneråd	Sturla Bell Fossen	7	7	25
Lavik Sokneråd	Toril Lange	7	7	35
Bjordal/Ortnevik S.R.	Sissel Sørebo	7	5	47

3. Endringar i personellsituasjonen

<u>Stilling</u>	<u>Namn</u>	<u>Kva endring</u>	<u>Verknad frå</u>
Sokneprest	Karl Hjelmeland	Tilsett	01.08.2021
Kyrkjelydspedagog	Toril Lange	Slutta	31.12.2021

4. Fellesrådet sine tilsette

<u>Stilling</u>	<u>Namn</u>	<u>Stillingsprosent</u>
Kyrkjevevje	Bjørnar Otterstein	100%
Sekretær Hø.	Katarina Vattekar	80%
Kantor Hø.	Gerda Otterstein	100%
Kyrkjet./Reinh Hø.	Heike Müller	45,6%
Klokkar Hø	Heike Müller	7%
Sekretær sokneråda	Vakant (Kyrkjevevja er sakshandsamar)	15%
Kyrkjetenar Ky.	Irene Aase Aarseth	24,3%
Klokkar Ky.	Irene Aase Aarseth	7%
Klokkar/kyrkjet.Va.	Irene Aase Aarseth	7%
Kyrkjetenar La.	Vakant - Lavik sokneråd tek ansvaret	(11%)
Klokkar Lavik	Vakant - Lavik sokneråd tek ansvaret	(7%)
Kyrkjetenar Bjo.	Norvald Bjordal	11,9%
Klokkar/Sekrt. Bjo.	Ann Iren Østerbo	9%
Kyrkjetenar Ort.	Joar Oppedal	15,9%
Klokkar Ort.	Ann Iren Østerbo	5,5%
Reinhaldar Lavik	Amporn Leirnes	4%
Sum		<u>4,2 løna årsverk</u>

Kyrkjelydspedagog Toril Lange er ikkje med i stillingsoversikta, fordi ho hadde Hyllestad sokneråd som arbeidsgjevar. Hennar stillingsdel i Høyanger var 50 %, som vi refunderer ein viss del av. I samband med at kyrkjelydspedagogen slutta ved årsskiftet, sa Hyllestad sokneråd opp samarbeidsavtalen med Høyanger. Det vert no starta opp eit samarbeid med Gaular om kyrkjelydspedagog, og Høyanger vert då arbeidsgjevar for ei full stilling, som Gaular refunderer 25% av. I tillegg kjem tilskot frå trusopplæringsmidlane i bispedømmet på ca. 364 000.

5 Eigedommar / Areal

Høyanger kyrkjelege fellestråd var på synfaring til dei kyrkjelege eigedomane på Høyanger sørside og i Lavik den 11.06.2020. Dei kyrkjeleg eigedomene på Høyanger nordside vart synfart 29.04.2021.

Høyanger kyrkje

På grunn av fuktinntrenging i korveggen, er det oppstått vesentlege rustskadar i stålramma som glasmaleriet i korveggen står i. Nokre ruter er sprekt, og det kjem kaldluft inn rundt konstruksjonen. I 2021 vart det utarbeidd ein omfattande rapport om problemet av Norsk Institutt for kulturminneforskning NIKU. Den viser kva som må gjerast, og det vil bli ei stor og kostbar sak å få utbetra. Orgelet fekk service etter 15 år i 2018, og det vart stemt. I samband med dette arbeidet vart det oppdaga sprekker og luftlekkasjer i orgelet som følge av tørkeskader. Som eit første tiltak vart det i 2020 kjøpt inn ein ny og betre luftfuktar ved orgelet. I 2021 gjennom-gjekk orgelet ein stor og kostbar reparasjon av dei påviste tørkeskadane. Varmepumpa i Høyanger kyrkje er no defekt, og kan visstnok ikkje reparerast innanfor forsvarleg kostnad. Oljefyren i kyrkja er fråkobla, og oljetanken er tømt for alt innhald, og deretter forseгла etter forskriftene.

Kyrkjebø kyrkje

Kyrkja som feira 150 år i 2019 er i god stand. Kyrkja fekk i 2018 installert eit nyrestaurert og flott Henry Jones orgel frå 1868. Brannvarslinga si kyrkja skal koblast opp til alarmsentral.

Lavik kyrkje

Kyrkja er i god stand, etter at taklekkasje vart utbetra i 2021. Det er vedteke å fjerne nokre kyrkjebenker framme i kyrkja, slik at det blir betre plass til korps og kor. Brannvarslinga skal koblast opp til brannsentral. I 2021 kom det utelys ved parkeringsplassen, og varmeomnane under benkene i kyrkja vart skjerma. Kyrkja skal målast utvendig i 2022

Bjordal Kyrkje

Kyrkja er i god stand.

Ortnevik kyrkje

Det vert no planlagt handicaptalett i tilknytning til brannvernlager i nytt bygg nær kyrkja. Innvendig har kyrkja behov for oppussing ettersom måling flassar av mange stader. Dessutan er det plan om å få laga universell tilkomst til kyrkja sitt 100 års jubileum i 2025. Ortnevik kyrkje skal knytast opp til alarmsentral.

Andre Bygningar

Vadheim Bedehus	Huset er i bra stand. Manglar ringemaskin. Fellestrådet yter årleg tilskot.
Bårehus Lavik	Bygget er i god stand. Septiktanken vart reparert i 2016.
Bårehus Bjordal	Bygget treng oppussing
Klokketårn Tunga	Klokketårnet vart pussa opp og måla i 2014. Nytt tak og golv i 2017.

Kontor Høyanger Kyrkjekontoret er no flytta til toppetasjen på Høyanger samfunnshus, i nyoppussa lokale der.

Kontor Lavik God standard.

Kyrkjelydshus Ky. Kyrkjelydshuset er no selt, og stiftinga er avvikla. Overskytande midlar etter salet er overført som gåve til Kyrkjebø sokneråd, og avsett på eit bunde kulturfond.

Klokketårn Ikjefjord Bygget er i god stand, men utsett for vindskade.

Klokketårn Vadheim God standard. Bygget treng etter kvart å bli måla.

6. Økonomi

	<u>2021</u>	<u>2020</u>	<u>2019</u>	<u>2018</u>	<u>2017</u>
Kommunal løyving	4 275 000	4 175 000	4 175 000	4 135 000	4 150 000
Tenesteytingsavtale	280 000	280 000	280 000	280 000	280 000
Sum Løyving	4 555 000	4 455 000	4 455 000	4 430 000	4 320 000

Rekneskapsresultat

	<u>2021</u>	<u>2020</u>	<u>2019</u>	<u>2018</u>	<u>2017</u>
Nto. Driftsresultat:	-166 961	+ 64 706	+86 652	+83 314	+187 519

7. Gudstenesteliv / Kyrkjelege handlingar

	<u>2021</u>	<u>2020</u>	<u>2019</u>	<u>2018</u>	<u>2017</u>
Gudstenester	93	74	97	95	91
Frammø.Gjsn.	28	45	50	64	61
Gudst. M/nattv.	14	16	42	37	40
Gjsn. Nattvdelt	10	11,8	19	9,5	10,5
Døypte	15	19	20	28	20
Vigslar	1	1	2	1	7
Gravferder	46	41	37	41	40
Konfirmerte	27	19	31	42	48

8. Positive trekk og utfordringar

HKF har fått gjennomført mykje dei siste åra. Fleire store prosjekt er gjort ferdige. Høyanger kommune viser gjennom tildelingane sine at dei verdset det arbeidet som vert gjort i kyrkja. Vedlikehaldsplanane, og at dei vert godt følgde opp, er med på å ta vare på verdiane ein forvaltar.

Til tross for pandemi, nedstengingar og alle smitteverntiltaka i 2021, har vi klart å leggje til rette for gjennomføring av kyrkjelege aktivitetar i året som gjekk.

Lavik Kantori, og korskulen som kontor driv for barn i Høyanger og Kyrkjebø, må framhevast som eit svært positivt tiltak! Dette er med på å skape utvikling og samarbeid på tvers av soknegrensene.

Det er også svært viktig og verdifullt det trusopplæringsarbeidet som kyrkjelydspedagogen har drive for barn og ungdom rundt om i sokna våre. Kyrkjelydspedagogen er no slutta, og stillinga er lyst ut med søknadsfrist 1. mai 2022. Fram til ny tilsetting skjer vert arbeidet søkt vidareført av friviljuge som får utgifter og eit visst honorar dekkja av trusopplæringsmidlane.

Samla sett viser statistikken at besøkstala på dei «vanlege» gudstenestene er minkande. Det kan vere ønskjeleg med fleire deltakarar, men det er noko sokneråda kontinuerleg arbeider

med. Nokre innslag og aktivitetar er med å trekkje folk, spesielt når frivillige og barn er med. Dette må ein bygge på og utvikle vidare. Aktivitetane i kyrkjelydane endrar seg med tida og nye ting vert prøvde ut. Det er gjennom samarbeid mellom dei dei tilsette og dei friviljuge at kyrkja utviklar seg. Det er viktig at fellesrådet støttar sokneråda i arbeidet deira.

Mange frivillige medarbeidarar gjer ein stor innsats i råd og utval, som deltakarar for å skape gode samværsformer, og for å få til eit godt gudstenesteliv der folk får omsorg og kjærleik. Fellesrådet vil gjerne takke alle for innsatsen i 2021!

Høyanger 18.03.2022


May Wenche Fossmark, Fellesrådsleiar


Bjørnar Otterstein, Kyrkjevevje